



Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Communis mœror super instanti Ioannis morte.

[urn:nbn:de:hbz:466:1-46083](#)

rerum omnium faciendarum prouidus, curatorem suum rogauit, vt pedes sibi ablueret, admittendæ simul salutari vñctioni, quod mysterij huius religione fieri flagitabat. Octauâ noctis horâ, audito vigiliæ signo, obierunt cubicula circitores qui e somno excitarent, iuberentque frequentes adesse Ioanni Viatum iam iam accepturo. Visum omnibus, accepto tam inexpectato nuntio, non vocem audire auribus, sed telum infigi pectoribus; vnoque ferè ore conclamarunt, Heu quantum facimus iacturam! ô qualem quam sanctum amittimus fratrem! Utque in tempore adessent, Synaxim vltimam obituro, pro se quisque maximè accelerabat. Adiunxit se lateri Ioannis P. Cornelius à Lapide, sciscitatus num quâ culpæ religione teneretur, quæ anxiū eius animum haberet: magnâ ille mentis tranquillitate respondit, nullius omnino se conscientiæ fide commoueri. Strata in solo culcita fuit, tunicaque talaris dorso eius, vt cupuerat, circumiecta. Accurrebant interea in valetudinarium quotquot adesse tempori potuere; qui viso Angelo illo in culcitatâ posito super paumento, auditisque feruentissimis eius vocibus, quibus nunc I E S V M nunc M A R I A M appellabat, lacrymis præ animi teneritate non temperabant. Mediâ post octauam horâ Collegij Rector, multorum coronâ

*Communis
mœror su-
per morte
Ioannis.*

coronā cinctus , frequentibus Contubernij scholasticis , intulit in Ioannis cubiculum cæleste illud Eucharistiae pignus. Tum ille, adstantium duorum auxilio in genua alleuat⁹, confessionis solitæ præmissâ formulâ, dum sacram Hostiam Sacerdos digitis tenet, improuiso, sed magno amoris spiritu , in hæc verba prorupit: *Protestor hic esse verum Filium Dei Patris omnipotentis, & beatissimæ semper Virginis. Protestor me velle viuere & mori verum filium sanctæ Matris Ecclesiæ Catholice Apostolice Romane. Protestor me velle viuere verum filium beatæ Mariæ Virginis. Protestor me velle viuere & mori verum filium Societas. Quibus tam inopinatis vocibus, tantâ affectus religionisque significatione prolatis, permoti circumstantes , cùm deinde audirent hæc ei verba à Sacerdote reddi: Accipe, frater, viaticum Corporis Domini nostri Iesu Christi, qui te custodiat ab hoste maligno, & perducat in vitam æternam;* perinde atque iam conclamatum fuisset, præcisâque in postrum spes omnis vtendi suauissimâ illius familiaritate, tam abruptus sese omnium planctus in lamenta effudit, vt nisi qui præsentes audierint , difficile sint credituri. Ioannes pignore illo æternæ gloriæ accepto, submiss⁹ parumper capite , brachijſque ante pectus in crucem decussatis,totus interea abripiebatur

M 2 ani-